

СЕПТЕМВРИЯ 11-ГО ДЕНЬ.

Преподобныя матере наша Феодоры, яже во Александрии. Зде же поется служба и священномученика Автонома.

НА ВЕЧЕРНИ

На Господи, возвах: стихиры преподобныя 3. Глас 4.

Подобен: Яко добля:

В женстем телеси * и в мужестем образе * мужеския прошла еси подвиги, * посреде мужей всельшися, * и страсти охуждши, * и стремления похотей всеконечно обуздавши * пощени, и непрестанными мольбами, Феодоро, * и божественными к Богу * и неуклонными твоими воззрени.

Под землю ты солнце, зашед, * не видяше погрешающую; * позна же ты Незаходимое, * Сердцеведец и Господь, * видяй сокровенная, * и озари светом покаяния * очи сердца твоего. * Темже потщалася еси Сему угодити * болезненным воздержанием * и добродетелей совершением.

Вражних мудрований * никакоже разумевши, * егоже не родила еси, * любяши отроча * и отеческим милосердием, * славная, питаеши, * терпящи благочестивым помыслом * человеческое поношение, * неповинное запрещение воистину, Феодоро; * сего ради честное твое совершаем торжество.

Ины стихиры священномученика, Глас 4.

Подобен: Яко добля:

Добродетельми просвещаяся, * благочестием украшаемь, * иерарх божественный был еси * и, яко многосветлое солнце, * мир протекл еси, * насевая всюду веры проповедание, * прелесть же искореняя серпом твоего языка, * иерарше богомудре, * великопроповедателю Автономе.

К болезненным страданием, * к мужественным борением, * к язвам и ранам устремился еси: * множеством бо камения * посыпаемь, Автономе, * сотворив е яко степени и лествицу, * возшел еси к Богу венечник * и совокупился еси воинством безплотных, * о мире моляся.

Одеяние твоею кровию * мучения совершил еси светлейше * благодатию Божественнаго Духа * и священно во Свята * выпшня востекл еси, * аможе Предтеча наш Иисус вниде, * победы венец от Бога прием, * со всеми честною кровию * скончавшимися, Автономе.

Слава, и ныне, праздника, глас тойже. Самогласен:

Ангеловым проречением * плод пречист от Иоакима и Анны, праведников, * днесь произыде, Дево, * небо и престол Божий, * и приятелище Чистоты, * радость провозвещающи всему миру, * жизни наша Ходатаице, * клятвы отъятие, благословения подание. * Тем в рождестве Твоем, Дево Богозванная, * миру мир испроси * и душам нашим велию милость.

На стиховне стихиры, глас 2.

Подобен: Доме Евфрафов:

Плакала еси от души, * яко безчадна рыдающи, * отрочате желающи: * но родила еси Отроча, * рода всего похвалу.

Стих: Слыши, Дщи, и виждь, * и приклони ухо Твое.

Рождение честно * Девы Всесвятыя, * Еяже ради * обновися мир, * песненными гласы почтим.

Стих: Лицу Твоему помолятся * богатии людстии.

Радуйтесь, мудрии, * пророцы богоглаголивии: * раждается бо Дева, * из Неяже Спасение мира * хочет родитися.

Слава, и ныне, глас 4:

Неплоды безчадная Анна * днесь руками да восплещет светло, * да светноносят земная, царие да играют, * святителие во благословении да веселятся, * да празднует весь мир: * се бо Царица и непорочная Невеста Отча * от корене Иессеева прозябе. * Ктому жены в печалех не родят чад: * Радость бо процвете, и Живот всем человеком в мире жительствоует. * И ктому дары Иоакимовы не возвращаются, * рыдание бо Анны в радость преложися: * срадуйтесь мне, глаголющи, весь избранный Израиль, * се бо даде ми Господь одушевленную палату * Божественныя славы Его, * во общее веселие и радость * и спасение душ наших.

Тропарь преподобныя, глас 8:

В тебе, мати, известно спасеся еже по образу: * приемши бо крест, последовала еси Христу * и, деющи, учила еси презирати убо плоть, преходит бо, * прилежати же о души, вещи безсмертней; * темже и со Ангелы срадуется, преподобная Феодоро, дух твой.

Слава, и ныне, праздника. Глас 4:

Рождество Твое Богородице Дево, * радость возвести всей вселенней: * из Тебе бо возсия Солнце Правды Христос Бог наш, * и разрушив клятву, даде благословение, * и упразднив смерть, дарова нам живот вечный.

НА УТРЕНИ

На Бог Господь: тропарь праздника (дважды). Слава, святые. И ныне, праздника.

По 1-м стихословии седален, глас 1.

Подобен: Камени запечатану:

Рождшиися преславно от неплодных ложесн, * от девственных чресл родила еси паче естества: * красен бо явльшиися стебель, израстила еси миру Жизнь. * Сего ради Силы Небесныя вопиют Тебе, Богородице: * слава происхождению Твоему, Чистая, * слава рождеству Твоему, * слава девству Твоему, Мати Безневестная.

Слава, и ныне, тойже.

По 2-м стихословии седален, глас 4.

Подобен: Явился еси:

Лучи возсияша всемирныя радости * рождества Твоего, Дево Мати Марие, на земли * и озариша мысли любовию поющих Тя.

Слава, и ныне, тойже.

Канон праздника, со ирмосом на 6, и преподобных на 4, и священномученика на 4.

Канон праздника, глас 2.

Песнь 1

Ирмос: Грядите, людие, * поим песнь Христу Богу, * раздельшему море и наставльшему люди, * яже изведе из работы египетския, * яко прославися.

Грядите, вернии, Духом Божественным радующеся, Юже от неплодове днесь пришедшую человек на спасение Приснодеву Отроковицу песньми почтим.

Радуйся, Чистая, Мати и Рабо Христа Бога, Яже первому Ходатаица блаженству, человеческий род, Тя вси достойно песньми славим.

Жизни раждается днесь мост, имже человецы, воззвание падения, еже от ада, обретшии, Христа Жизнодавца песньми прославляют.

Ин канон преподобных, глас 4.

Песнь 1

Ирмос: Отверзу уста моя, * и наполнятся Духа, * и слово отрыгну Царице Матери, * и явлюся светло торжествуя, * и воспою, радуясь, Тоя чудеса.

Уста моя исполни Твоего хваления, Господи, поюще славу Твою многопетую и чествующу болезни Феодоры, угождаши Тебе жития светлостию.

Возсия днесь священное твое торжество, солнца светлейше, сущия во тьме души озаряющее, мрак демонский всегда отгоняющее, досточудная.

Не позна, заходя, ты погрешающе солнце, Незаходящее же позна Един, яко Всеведый и озари лучами покаяния души твоя очи, богоблаженная.

Написан бысть грех твой, всечестная, яве, яко сказаша Евангелия; но, потщавшиися, поты воздержания, слезными же токи сей изгладила еси.

Богородичен: Яко одушевлен чертог, яко нетленную скинию, яко дверь Небесную, яко Божественную трапезу, яко палату и престол Владычень, Марию Чистую песньми почтим.

Ин канон священномученика, егоже краегранесие:
Законное, богомудре, совершил еси течение. Глас 8.

Песнь 1

Ирмос: Воду прошед, яко сушу, * и египетскаго зла избежав, * израильтянин вопияше: * Избавителю и Богу нашему поим.

Законны измлада Творца своспитався, возрасл еси в законе добродетелей и благочестия версте; тем законно, отче, пострадал еси.

Вооружил еси помысл терпения и мужества оружием, мудре, на прелести рать ополчився, невозвратно победив ту.

Законов благочестия наставник и догматов, отче, истины проповедник явлься, во всей твари огласился еси, яко апостоли, Автономе.

Богородичен: Познавше явльшагося на земли Бога воплощенна и обожившеся от Него благодатию, поем Тя, Дево, дарований насладившеся.

Песнь 3

Ирмос: Утверди нас в Тебе, Господи, * Древом умерщвлей грех, * и страх Твой всади * в сердца нас, поющих Тя.

Непорочно Богу пожившии, всех родисте Спасение, богомудрии родителе Зиждителя Рождшия и Бога нашего.

Всем жизнь источаяй Господь от неплодове произведе Деву, в Нюже вселитися изволи, и по Рождестве сохранив нетленну.

Аннин плод, Марию, днесь, Гроза рождшую живоносный, яко Богородицу воспоим, Предстательницу же всех и Помощницу.

Ин

Ирмос: Твоя песнословцы, Богородице, * живой и независтный Источниче, * лик себе совокупльшия, духовно утверди, * в Божественной Твоей славе венцев славы сподоби.

В мужескую одежду облекшися, мудре потекла еси со тщанием и монашескому собору, честная, себе примесила еси, к началом борбствующи лукаваго миродержца.

Слабость женскую мужески изменила еси званием истинно и новым образом, дела дар честен и Богу возжеленен тебе самую, преподобная, показующи.

Безплотно житие показала еси в телеси, славная, мертвенне, не сосудное воздержание, и бдение непрестанное, и молитву выну, о Феодоро, державши.

Богородичен: Волнует мя буря греховная и возмущение безместных помышлений; умилосердися, Всенепорочная, и руку ми помощи, яко милостива, простри, яко да спасся, величаю Тя.

Ин

Ирмос: Ты еси утверждение * притекающих к Тебе, Господи, * Ты еси свет омраченных, * и поет Тя дух мой.

Тучами словес твоих безбожия потопил еси страстную тину, иерарше, и верныя напоил еси.

Учитель был еси и служитель Христов, преподобне, и Того Божественных Страстей сообщник и причастник.

Оружием утвердил еси проповедания, преподобне, благопослушливыя, и противящияся безпагубны сохранил еси.

Богородичен: Явися пречудное на Небеси и на земли слышание, Творца бо всех сущих, Богородице, неизреченно родила еси.

Кондак святыя, глас 2.

Подобен: Вышних ища:

Тело твое постами изнуривши, * бденными молитвами Творца умолила еси огресе твоём, * яко да приимеши совершенное прощение, * и прияла еси оставление, * путь покаяния показавши.

И святого кондак, глас 2.

Подобен: Вышних ища:

Божественная, премудре, непорочне тайноводил еси, * жертва приятная был еси, богоблаженне: * Христову бо пил еси Чашу, преславне, * светильниче всемирный, * моля непрестанно о всех нас.

Седален, глас 5.

Подобен: Собезначальное Слово:

Мужески подвиги воздержания претерпевши, * низложила еси многокозненнаго, * с мужи жизнь поживши, Феодоро, благочестно. * И ныне прешла еси к Богу, молящи о всех * священно святое совершающих твое усение.

Слава, священномученика, глас 4.

Подобен: Скоро предвари:

Сугуб тебе венец нетления Христос, всеблаженне, дарова, * яко страдальцу и честну иерарху, Автономе: * Тому бо Безкровныя принесл еси Жертвы, * Того Божественную Стрость нелестно подражая, * Того и нестареющияся сладости, блаженне, наслаждался еси.

И ныне, праздника, глас 5.

Подобен: Собезначальное Слово:

Иоаким и Анна торжествуют, * по Бозе бо достойно благодать обретоша * и родиша плод, богоприятен храм, * Деву и Чистую Матерь Божию, * едину Благословенную, молящуюся непрестанно * спастися душам нашим.

Песнь 4

Ирмос: Услышах, Господи, * слух Твоего смотрения * и прославих Тя, * Едине Человеколюбче.

Воспеваем Тя, Господи, верным спасительное пристанище подавшего всем, Тебе Рождшую.

Тя, Богоневесто, похвалу всем Христос яви и державу поющим верно Твое таинство.

Неискусобрачная Владычице, Твоими молитвами избавляеми прегрешений, благоразумно вси Тя ублажаем.

Ин

Ирмос: Неизследный Божий Совет, * еже от Девы воплощения, * Тебе, Вышняго, * пророк Аввакум усмотря, зовяше: * слава силе Твоей, Господи.

Терпиши на многи дни доблественно, славная, пощение, яко безплотна, немощь твою укрепляющую Христу всеильною волею и Божественною питающую тя благодатию.

Виждь смирение и плач, виждь мою скорбь и облегчи греха тяжчайшее бремя, Феодора вопиаше к Единому спасти Могущему.

Ловлением запеншаго тя лестно тучами твоих слез потопивши, ловлением победила еси ловящаго души, в пристанищи благодатию Божественною покрываема, славная.

Богородичен: Всепречудная Мати Божия, возсияй ми покаяния лучу, разори мрак безмерных моих зол, лукавыя отжени, Дево, помыслы сердца моего.

Ин

Ирмос: Услышах, Господи, * смотрения Твоего таинство, * разумех дела Твоя * и прославих Твое Божество.

Споспешающа имея Поборника в божественной рати Господа, врага старого земных победил еси, отче, подвиги твоими.

Видением преклонься, отче, во глубины сокровений Божиих, отгуду тайны навыка еси Того неизреченныя.

Возглашением словес твоих требища идольская падаху, мудре, и попалишася чтителища прелести огнем велений твоих.

Пламень учений твоих на высокое взятся житие, мудре, тебе концем являя наставника к Богу непрелестна.

Богородичен: Осквернишася страстьми, омый Богородице, молитвами Твоими и сподоби ны чистыми помышлении пети Твое рождество.

Песнь 5

Ирмос: Сеннописанный мрак гаданий разорив * и верных прибытием истины, * Богоотроковицею, озарив сердца, * и нас светом Твоим, Христе, настави.

Воспоим, людие, всех вину сущаго по нам быти Виновнаго: Еяже образу радовахуся сподобляеми пророцы, явленное спасение от Тоя плодяще.

От суха прозябение жезла иереева Израилю показа проразсуждение, и ныне светлость прозябших преславно светит, от неплодове всеславное рождение.

Ин

Ирмос: Ужасошася всяческая * о божественной славе Твоей: * Ты бо, Неискусобрачная Дево, * имела еси во утробе над всеми Бога * и родила еси Безлетнаго Сына, * всем воспевающим Тя * мир подавающая.

Удивишася чини безтелесных, зряще тя в телеси брэннем подобящуся тех житию и честному пребыванию и преборившую врага, древле подпеншаго тя, Феодоро, лестию.

Зверей стремления Бог тебе покори, благодать исцелений дав тебе, сие проповедает рукою твоею избавивыйся снедения дивяго зверя, егоже сокрушена исцелила еси, славная.

Питаеши младенца совершенным смыслом, терпящи лютое оклеветание, благодарящи Вседержителю, давшему тебе крепость и ты удивльшему, Феодоро всехвальная.

Богородичен: Крепость и утверждение немощнаго моего сердца Ты еси, Неискусобрачная Дево, необоримая стена от лица вражия, спасающи мя от всех лютых, побеждающи полки лютаго борца.

Ин

Ирмос: Просвети нас повелении Твоими, Господи, * и мышцею Твоею высокою * Твой мир подаждь нам, * Человеколюбче.

Свет тя умный озари, Автономе, и жизни слово имущаго светильника всем концем яви тя.

Глагол Божий, яко меч, извлек, ополчение ссекл еси лжеименныя мудрости, отче Автономе.

Весь вражий тул стрел истоцил еси и всеу сих показал еси, вооружившихся на тя, блаженне Автономе.

Богородичен: Быша новая и преславная, Всечестная, Тобою бо на земли Бог Плотию явился, и земнии обожихомся.

Песнь 6

Ирмос: Ко Господу от кита Иона возопи: * Ты мя возведи из глубины ада, молюся, * да яко Избавителю, во гласе хваления, * истины же духом пожру Тебе.

Ко Господу в скорби неплодства возопиша Богоматере богомудрии родители и Сию в роды родов родиша, на общее спасение и похвалу.

Прияша Небесный дар от Бога достоин Богоматере богомудрии родители, самех Херувимов превышшее носило, Слова и Зиждителя Родительницу.

Ин

Ирмос: Божественное сие и всечестное * совершающе празднество, * богомудрии, Богоматере, * приидите, руками воспещим, * от Нея Рождагося Бога славим.

Источник слез приносящи непрестанно, дручащися и стеньящи, запрещение монахов и отлучение, благодарящи, терпиши, богоблаженная.

Питие от моря имущи, дивиием же былием питающися, со зверьми же в пустыни водворяющися, яко на Небеси обитала еси, досточудная.

Опаление солнца понесла еси, нощную студень терпела еси, Духа Божественнаго согреваема благодатию: тем наслаждаешия горняго блаженства.

Богородичен: Божественную стамну и трапезу, Хлеб Жизни понесшую, неделанную ниву, гору святую, Богородицу Деву песньми славим.

Ин

Ирмос: Очисти мя, Спасе, * многа бо беззакония моя, * и из глубины зол возведи, молюся, * к Тебе бо возопих, и услыши мя, * Боже спасения моего.

Сила тя мудре Утешителява укрепи, якоже прежде ученики, и языком вооружи огненным, Автономе, земныя просвещати, огнепопалати же нечестие.

Младенствующу душевным ти мудрованием, отче преподобне, подвиги паче естества за проповедание и труд неослабный благомощно приял еси немощию естества телесе.

Положил еси под ноги благочестивых главу вражию, на Создателя вознесенную, верою словес вооружив на ню сия благодатию.

Богородичен: **И**сцелити Тобою естества сокрушения Создатель и Творец восхотев, Богородице, подаде Тя врачевство Божественное в немощех прибегающим Тебе.

Кондак праздника, глас 4:

Иоаким и Анна поношения безчадства * и Адам и Ева от тли смертныя свободистася, Пречистая, * во святем рождестве Твоем. * То празднуют и людие Твои, * вины прегрешений избавльшеся, * внегда звати Ти: * неплоды раждает Богородицу и Питательницу Жизни нашея.

Икос: **М**олитва купно и въздыхание неплодства и безчадства Иоакима же и Анны благоприятное * и во уши Господни вниде, и прозябе плод живоносен миру. * Ов бо молитву на горе творяше, ова же в саде поношение ношаше, * но с радостию неплоды раждает Богородицу и Питательницу Жизни нашея.

Песнь 7

Ирмос: **К**упина в горе огненеопальная и росоносная печь халдейская * яве предписа Тя, Богоневесто, * Божественный бо невещественный в вещественнем чреве Огнь неопально прияла еси. * Темже из Тебе Рождшемуся поем: * благословен еси, Боже отец наших.

Твое в вещественных явлениях законоположник возбранися разумети и великое, Пречистая, таинство, не мудрствовати земноревностная образно наказуем иногда. Темже, удивльшися чудеси, глаголаше: благословен Бог отец наших.

Гору и дверь Небесную и мысленную Тя лествицу боголепно лик божественный пронарече, от Тебе бо Камень отсечеся не руками мужескими, и дверь, еюже пройде Господь, Иже чудес Бог отец наших.

Ин

Ирмос: **Н**е послужиша твари богумудрии * паче Создавшаго, * но, огненное прещение мужески поправше, * радовахуся поюще: * препетый отец Господь и Бог, благословен еси.

Нестерпимыми тя ранами многокозненный враг удручи, в привидениях мечтаяся; но того низложила еси суетное сверепство, воспевающи: отец наших Боже, благословен еси.

Сухия ровы наполнила еси вод молитвами твоими, славная, чудодействующи яве, Бога величающи, тя прославльшаго, Емуже зываем: отец наших Боже, благословен еси.

Совершающих твою память, славная, присно поминай со дерзновением многим, Бога молящи Всецедраго, Емуже зовем: отец наших Боже, благословен еси.

Богородичен: **Ц**арице Дево, рождающая Царя Христа, ущедривши, спаси мя, колеблема страстьми, верою утверди и настави мя ко спасенней стези, верных Спасение.

ИИ

Ирмос: От Иудеи дошедше отроцы, * в Вавилоне иногда * верою Троическою пламень пещный попраша, поюще: * отцев Боже, благословен еси.

Сочленив во едино благочестия ликования, отче Автономе, верою просвещенныя словесы твоими непрестанно взывати учил еси: отцев наших Боже, благословен еси.

Неослабным мужеством стрясл еси, мучениче, безбожных веления, в душах утвержденная неверных, и от оснований сия мудре исторгл еси, в сердцах верных благодать утверждая.

Твоего священства смешено помазание, отче Автономе, страдание божественно, кровь бо ты светла иерарха показа вопиющим верно: Христе, благословен еси.

Богородичен: Иже от земли создав человеческое естество, яко Творец и Бог, истлевшее поновляет, от Тебе, Богомати, сие прием, и таинственного сподобляет, Чистая, Сынотворения.

Песнь 8

Ирмос: В пещи отрочестей прообразил еси иногда Твою Матерь, Господи, * образ же Сия из огня изымаше неопально входящая, * Юже поем, явльшуюся Тобою концем днесь, * и превозносим во вся веки.

Яже к Богу нашего примирения predetermined скиния еже быти ныне начинает, имущи родити Слова, нам дебельством Плоти явльшася, Егоже поем, из не сущих во еже быти Тем приемшии, и превозносим во вся веки.

Неплодства преложение мирское благих разреши неплодство и ясно чудо Христа показа, к земным пришедша, Егоже поем, из не сущих во еже быти Тем приемшии, и превозносим во вся веки.

ИИ

Ирмос: Отроки благочестивыя в пещи * Рождество Богородичо спасло есть; * тогда убо образуемое, * ныне же действующее, * вселенную всю воздвизает пети Тебе: * Господа пойте, дела, * и превозносите Его во вся веки.

Умом чистым просвещен, твой началовождь, восхищен быв, виде, яже уготова благая тебе Господь, световидный рай и неизреченный чертог, Феодоро, в немже ты Подвигоположник всели Жених.

Ангелов, мучеников и преподобных лица, души твоей предназначающе, сию к Небесным несоша обителем, к тамошнему покою веселящихся, в немже есть жилище вопиющих и превозносящих Христа во веки.

Множество монашествующих, собравшеся, блаженное погребают верою тело твое, видевше бо преславная, познаша изрядная: яко жена телом посреде мужей жити благоволила еси, рукою покрываема Всесильнаго, богомудрая Феодоро.

Молитвами всенощными терпящи, страстей успила еси двизания, уснула же еси праведным сном подобным и к зари невечерней прешла еси, поющи: Господа воспевайте, дела, и превозносите Его во веки.

Богородичен: В след Тебе текоша жены, мира сладковонная чувствующе, Пречистая Богоневесто, Отроковице Неискусобрачная; из утробы Твоя Возсиявшаго Единороднаго Сына, и Тебе сцарствуют истинно, воспевающе Христа во веки.

Ин

Ирмос: Царя Небеснаго, * Егоже поют вои ангельстии, * хвалите и превозносите во вся веки.

Укрепляющуюся тебе во Христе, мучителей крепость падаше, богомудре: страшен бо ей духом был еси.

Доблестию разума прелести гнилое обличил еси, всеблаженне, крепость в делех явив благочестия.

Чудес твоих реки изливавшаяся, исцелений бездну тя, отче, явиша в мире, источающую благодать.

Богородичен: Препрославися истинно в знамениях на земли благодать Твоя, Дево: странно бо чудо Твоего рождения.

Песнь 9

Ирмос: Яже прежде Солнца Светильника Бога возсиявшего, * плотски к нам пришедшаго, * из боку Девичу неизреченно воплотившая, * Благословенная Всечистая, * Тя, Богородице, величаем.

Иже непокоривым людем из камене источив воду, благопокоривым же языком дарует от чресл неплодных плод на веселие нам, Тя, Богомати Пречистая, Юже достойно величаем.

Напраснаго древняго Отъятельницаю осуждения и праматере исправление, юже рода к Богу вину присвоения, к Зиждителю мост, Тя, Богородице, величаем.

Ин

Ирмос: Всяк земнородный * да възграется, духом просвещаемь, * да торжествует же безплотных умов естество, * почитающее священное торжество Богоматере, * и да вопиет: * радуйся, Всеблаженная, Богородице, * Чистая Приснодево.

Зашла еси, яко звезда, от мира, прехвальная, и возсияла еси в премирней жизни, оставльши, яко зари, нам добродетели жития твоего и исправления, сердца всех озаряющи верно совершающих память твою.

Двери Небесныя светло отверзошася, подъемлюще тя, и первородных ныне Церковь имеет ликовствующу со избранными, приснопамятная, священную твою душу, идеже есть шум празднующих, Феодоро, и свет невечерний.

Обрела еси возмездие болезней, яко надеялася еси, Небесныя чести: уставиша еси желание, обретши источник, благих наслаждаешься, яснейши и чистейши Жениха зрящи, Феодоро, якоже Ангели зрети сподобившася.

Разрешение неудобных, избавление страстей и жития исправление испроси, приснопамятная, низпослати хвалящим тя и честную память совершающим твою, дерзновение имущи ко Господу, Феодоро честная и достославная.

Богородичен: Спаси мя, Чистая, Спаса рождающая и Всецедраго, ущедрити раба Твоего, к покаяния пути направи, лукаваго соблазны от среды отжени, того же избави мя ловления, Богородице, верных Помощнице.

Ин

Ирмос: Воистину Богородицу * Тя исповедуем, * спасеннии Тобою, Дево Чистая, * с безплотными лики Тя величающе.

Летая на высоту благочестия, добродетельми возношаемъ, Автономе, и Христу страданием, отче, востекл еси.

Болезни твоя со слезами сеявшеся, богомудре, неотъемлемыя плоды расплодиша радости и славы, сладости, яже во Христе Иисусе.

Законно венцев и Божественных дарований сподобився, иерарше Автономе, законы Божественными утверждаеши ны молитвами твоими.

Богородичен: **Ж**изнь и Нетление родила еси, Дево, победители смерти сотворшаго Богородицу воистину Тя величающия.

Светилен праздника.

Подобен: Духом во святилищи:

От неплодныя и старицы, престарелыя Анны * жизнь и свет возсия, Всенепорочная Отроковица, * дверь востока, свет возсиявшая концем неизреченно; * лик составльше, ублажим Ю, яко земных превышшую.

Слава, и ныне, тойже.

На стиховне стихиры, глас 1.

Подобен: Небесных чинов:

От Анны днесь цвет, * сад богоданный, * Богородица прозябе, * спасение человек, * из Неяже всех Зиждитель рождься паче ума, * Адамову очищает, яко Благ, всю скверну благостию.

Стих: **С**лыши, Дщи, и виждь, * и приклони ухо Твое.

Кто довольно по достоинству пети возможет * от Анны неизреченно младенствующую Деву? * Горы убо и холми, сладость искапайте днесь: * всех бо жизнь и очищение * млеко питается, * Богородица Чистая.

Стих: **Л**ицу Твоему помолятся, * богатии людстии.

Прежде безчадная неплоды * раждает всех жизнь, едину Богородицу; * веселия исполняется * и радуется земное естество ныне человеческое, * славяще истинную Родительницу * Избавителя Иисуса, Единого Господа.

Слава, и ныне, глас 8:

В благознаменитый день праздника нашего * вострубим духовною цевницею: * Яже бо от Семене Давидова, днесь раждается Мати Живота, * тьму разрешающа, * Адамово обновление, и Евино воззвание, * и нетления источник, тли пременение, * Еяже ради мы обожихомся * и от смерти избавлени быхом, * и возопиим Той с Гавриилом, вернии: * радуйся, Благодатная, Господь с Тобою, * Тебе ради даруя нам велию милость.

НА ЛИТУРГИИ:

Блаженны праздника, песни 7-я и 8-я, на 8.

Твое в вещественных явлениях законоположник возбранися разумети и великое, Пречистая, таинство, не мудрствовати земноревностная образно наказуем иногда. Темже, удивлься чудеси, глаголаше: благословен Бог отец наших (дважды).

Гору и дверь Небесную и мысленную Тя лествицу боголепно лик божественный пронарече, от Тебе бо Камень отсечеса не руками мужескими, и дверь, еюже пройде Господь, Иже чудес Бог отец наших (дважды).

Яже к Богу нашего примирения предопрделенная скиния еже быти ныне начинает, имущи родити Слова, нам дебельством Плоти явльшася, Егоже поем, из не сущих во еже быти Тем приемшии, и превозносим во вся веки (дважды).

Неплодства преложение мирское благих разреши неплодство и ясно чудо Христа показа, к земным пришедша, Егоже поем, из не сущих во еже быти Тем приемшии, и превозносим во вся веки (дважды).

Прокимен, глас 4: Дивен Бог во святых Своих, * Бог Израилев.

Стих: В церквах благословите Бога, Господа от источник Израилевых.

Апостол к Галатам, зачало 208:

Братие, прежде пришествия веры, под законом стрегоми бехом, затворени в хотящую веру открытися. Темже закон пестун нам бысть во Христа, да от веры оправдимся. Пришедши же вере, уже не под пестуном есмы. вси бо вы сынове Божии есте верою о Христе Иисусе: елицы бо во Христа крестистесь, во Христа облекостесь. Несть иудей, ни еллин, несть раб, ни свободь, несть мужеский пол, ни женский, вси бо вы едино есте о Христе Иисусе. Аще ли вы Христовы, убо Авраамле семя есте, и по обетованию наследницы.

Аллилуия, глас 1: Терпя потерпех Господа, и внят ми, и услыша молитву мою.

Евангелие от Иоанна, зачало 28:

Во время оно, приведоша ко Иисусу книжницы и фарисее жену, в прелюбодеянии яту, и поставиша ю посреде, глаголаша Ему: Учителю, сия жена ята есть ныне в прелюбодеянии. В законе же нам Моисей повеле таковыя камением побивати, Ты же что глаголеши? Сие же реша искушающе Его, да быша имели что глаголати Нань. Иисус же долу преклонься, перстом писаше на земли, не слагая им. Якоже прилежаху вопрошающе Его, восклонься рече к ним: иже есть без греха в вас, прежде верзи камень на ню. И паки долу преклонься, писаше на земли. Они же слышавше и совестию обличаеми, исхождаху един по единому, наченше от старец до последних, и оста един Иисус, и жена посреде сущи. Восклонься же Иисус и ни одинаго виде, точию жену, рече ей: жено, где суть, иже важдаху на тя? Ни кийже ли тебе осуди? Она же рече: никтоже, Господи. Рече же ей Иисус: ни аз тебе осуждаю, иди и отселе ктому не согрешай.

Причастен: В память вечную будет праведник:

Преподобная Феодора Александрийская

Преподобная Феодора Александрийская († ок. 474–491) жила с мужем в Александрии. Побуждаемый диаволом, один богатый человек прельстился ее красотой и стал склонять к прелюбодеянию. Женщина-сводница обманула доверчивую Феодору, сказав, что грех, совершаемый ночью, Бог не видит. Когда Феодора осознала гнусность падения, она рассказала знакомой игуменнии о совершенном грехе. Игуменния, видя отчаяние молодой женщины, возбудила в ней веру в Божественное милосердие и напомнила притчу о грешнице, омывшей слезами ноги Христа и получившей от Него прощение. Святая тайно покинула семью и, переодевшись, постриглась в мужском монастыре, ибо боялась, что в женской обители муж найдет ее. Даже опытные иноки удивлялись смирению и терпению инока Феодора. Святая подвизалась в монастыре восемь лет. Ее тело, некогда оскверненное прелюбодеянием, стало храмом Святого Духа.

Однажды святая была послана в Александрию для покупки хлеба. В гостинице Енатского монастыря проживала тогда дочь игумена. Прельщенная красотой молодого инока, она стала склонять святую ко греху, не зная, что перед ней женщина. Услышав отказ, она совершила грех с другим гостем и зачала. Бесстыдная девица сказала отцу, что ее обольстил Феодор-монах. Отец немедленно сообщил об этом настоятелю монастыря, в котором подвизалась преподобная. Игумен не поверил клевете. Но, когда любодейца родила, енатские монахи принесли младенца в монастырь, где жила подвижница, и стали укорять иноков в нечистой жизни. Младенца вручили преподобной и с бесчестьем выгнали ее из монастыря. Святая смиренно покорилась новому испытанию, усматривая в нем искупление прежнего греха.

В течение семи лет, перенося невзгоды, она жила в шалаше близ монастыря. Наконец по просьбе иноков игумен позволил ей возвратиться вместе с младенцем в монастырь, где она два года провела в затворе. Игумен обители получил от Бога откровение, что грех инока Феодора прощен. Однажды в той местности во время засухи пересохли все источники. По благословиению игумена преподобная Феодора принесла воду из высохшего колодца, и после этого она там уже не пересыхала.

Перед смертью преподобная затворилась в келлии с отроком и, завещав ему любить Бога и повиноваться игумену, мирно скончалась.

Господь открыл игумену ее тайну. В присутствии братии Енатской обители он рассказал о видении и для удостоверения открыл перси преподобной. Енатский игумен и братия со слезами просили прощения у преподобной Феодоры. Известие о кончине подвижницы дошло до ее супруга. Он принял постриг в монастыре, где спасалась жена. Отрок, воспитанный преподобной, также принял иночество и впоследствии стал игуменом этого монастыря.

Священномученик Автоном

Священномученик Автоном († 313) был епископом в Италии и пострадал от язычников в городе Сорее недалеко от Никомидии.

Во время гонения на христиан при императоре Диоклитиане святой Автоном оставил Италию и поселился в Вифинии, где был принят христианином Корнилием. Святой Автоном и здесь ревностно продолжал свое апостольское служение, обращая язычников в христианство. Он создал также церковь во имя

Архистратига Михаила. В этой церкви он поставил Корнилия сперва диаконом, а затем пресвитером. С проповедью о Христе святой Автоном посетил также Ликаонию и Исаврию. Когда император Диоклетиан стал преследовать святого Автонома, как известного проповедника, тот удалился в Клавдиополь на Черном море и таким образом избежал опасности. Возвратившись снова в Сорею, святой Автоном посвятил пресвитера Корнилия во епископа, и сам направился в Асию, а вернувшись оттуда, начал проповедовать Евангелие и обращать язычников в местечке Лимны близ города Сореи. Многие язычники обратились в истинную веру, другие же упорствовали и ожесточались.

Однажды, когда святитель Автоном служил Божественную литургию в храме Архистратига Михаила, язычники напали на христиан. Ворвавшись в храм, они разогнали молящихся, а святого Автонома после истязаний убили, облив алтарь церкви его мученической кровью. Его тело они забросали камнями. Диякониса Мария извлекла тело святого мученика из-под камней и предала его погребению. Мощи святого Автонома прославились чудесами и исцелениями. На месте его погребения впоследствии была воздвигнута церковь.